



Assartuussineq pillugu Isumalioqatigi-
issitap inerniliineri inassuteqaataalu
- Assartuussineq pillugu Isumalioqatigiissitap
isumaliutissiissutaata eqikkarneqarnera

Martsi 2011



Imaasa allattorsimaffiat

Siulequt	3
Ilisarititsineq	4
Tunuliaquttat	6
Assartuussineq pillugu Isumalioqatigiissitamut suliakkiussat	7
Assartuussineq pillugu Isumalioqatigiissitap inassuteqaatai	12
Inassuteqaatit allat	28

Assartuussineq pillugu Isumalioqatigiissitap isumaliutissiissutaata inaarutaasup
eqikkarneqarnera

*Suliarinnittoq: Ineqarnermut, Attaveqarnermut Angallannermullu
Naalakkersuisoqarfik*

Assilisat titartakkallu: COWI

Siulequt

Nunap iluani assartuusseriaatsit aningasaqarnerlu imminnut atalluinnartuusarput. Assartuusseriaaseq ingerlalluanngippat, aningasaqarnikkut ineriarternissamut atugassaritaasunik eqqortunik pilersitsisoqarsinnaanngilaq, killormoortuanillu aamma pisoqarsinnaanani. Taamaattumik Naalakkersuisut 2009-mi ukiakkut Assartuussineq pillugu Isumalioqatigiissitaq pilersippaat, taannalu assartuussinermi unammilligassanut, nunap siunissami qanit-tumi naammattoortagassaanut aaqqiussutissanik siunnersuusiormissamik suliakkerneqarpoq.

Assartuussineq pillugu Isumalioqatigiissitap isumaliutissiissutini maannakkut saqqummiuppaat, tassanilu inunnik angallassinermut taamatullu nassiussanik angallassinermut ajornartorsiutit unammilligassallu qitiusut arlallit nassuaate-qarfigneqarput. Isumaliutissiissut atuarlugu pissanganartuuvoq, aammalu misisueqqissaarnernik inassuteqaatinillu soqutiginaatilinnik arlalissuarnik imaqlarluni.

Quppersakkami matumani Assartuussineq pillugu Isumalioqatigiissitap misisueqqissaarneri, inassuteqaatai inerniliinerilu eqikkarneqarput. Atuartup pilertortumik pissutsinik, Isumalioqatigiissitap misissuiffigisimasaanik paasi-saqarnissaa siunertarineqarpoq. Assartuussineq pillugu Isumalioqatigiissitap isumaliutissiissutaa inaarutaasoq uani nassaarineqarsinnaavoq: <http://www.transportkommissionen.gl>,

Assartuussineq pillugu Isumalioqatigiissitami ilaasortat Kalaallit Nunaanni assartuussinerup ineriaroqqinnissaanut siunnersuusiorlutik sulinerminni sulil-luarsimancerat tunnusimancerallu pillugu qutsavigerusuppakka.



Jens B. Frederiksen

Ineqarnermut,
Attaveqarnermut Angal-lannermullu Naalakker-suisoq

Ilisarititsineq

Quppersakkami matumani, Ineqarnermut, Attaveqarnermut Angallanner-mullu Naalakkersuisoqarfimmit allanneqartumi assartuussinerup aaqqissuuus-saaneranut tulleriaarinermullu Assartuussineq pillugu Isumalioqatigiissitap eqqarsaatersuutai atuarneqarsinnaapput. Suliassat suut inuiaqatigiit aningaasaqarnerat eqqarsaatigalugu ingerlanneqartariaqartut, aammalu suliassat suut ingerlanneqartariaqanngitsut pillugit inassuteqaatitaqarpoq. Tamatuma saniatigut isumaliutissiissut inassuteqaatinik allanik, suliassanut atasuunngitsunik arlalinnik imaqarpoq, taakkulu aamma quppersakkami uani eqikkarlu-git saqqummiunneqarput.

Quppersakkami aamma misisueriaatsit Assartuussineq pillugu Isumalioqatigi-issitap toqqagai eqikkarneqarput, aammalu Kalaallit Nunaanni assartuussin-erme pissutsit maannakkut atuuttut nassuiardeqarlutik. Isumalioqatigiissitap misissueqqissaarnerani taanna aallaavigineqarpoq. Kiisalu assartuussinermut politikkimut, aaqqissuussaanermut, aningaasalersuinermut il.il. oqallinnerit misissuinerillu eqikkarneqartut naatsu-mik eqikkarneqarput.



Isumalioqatigiissitap isumaliutissiissutaa (<http://www.transportkommisionen.gl/>) misissueqqissaarnermi suliat annertuut, Assartuussineq pillugu Isumalioqatigiissitap inassuteqaataanut tunngavigineqartut sukumiisumik nassuiarneqarnerinik imaqarpoq. Assartuussineq pillugu Isumalioqatigiissitap nittartagaani Isumalioqatigiissitamit saqqummersinnejartut allat aamma nasaarineqarsinnaapput, taamatullu nalunaarutinut tunuliaqtaasunut, Assartuussineq pillugu Isumalioqatigiissitap sulineranut tunngavigineqarsimasunut iserfissat nassaarineqarsinnaallutik.

Assartuussineq pillugu Isumalioqatigiissitap nalunaarusiai



Assartuussineq pillugu Isumalioqatigiissitaq sisamanik nalunaarusiorpoq.


- 1) Takorluukkat allattorsimaffianni Assartuussineq pillugu Isumalioqatigiissitap sulinerani si-naakkutissat siunnerfiillu aalajangersarneqarput, aammalu Isumalioqatigiissitap misissuineranut inassuteqarneranullu tunngavigineqarluni.
- 2) Takussutissiat allattorsimaffiat assartuussinermut suliassaqarfimmut atatillugu aningaasaqarnikkut ineriertorfissatut naatsorsuutigineqartut nalinginnaasumik oqallisigineqarnerinik imaqarpoq. Takussutissiat allattorsimaffianni ilaatigut inuuussutissarsiornerup, innuttaasut takornariaqarnerullu ineriertornissaattut naatsorsuutigineqartut takussutissiorlugit aalajangersarneqarput nassuaatigineqarlutillu. Assartuussineq pillugu Isumalioqatigiissitap misissueqqis-saarneri takussutissiat taakku tunngavigalugit suliarineqarput.
- 3) Nassuaatit. Assartuussineq pillugu Isumalioqatigiissitap aallaqqaammut piffissaliussaasup iluani apeqputit attuumassutilit naammattumik suliarilluarnissaat angumerisinnaasimanngilaa. Taamaattumik Kalaallit Nunaata Kujataani pissutsit pillugit aammalu Qaqortumiit Ilulissanut sineriak sinerlugu imaatigut angallassineq pillugu nassuaatinik saqqummiussiniarluni aalajangerpoq.
- 4) Isumaliutissiissut inaarutaasoq, Assartuussineq pillugu Isumalioqatigiissitap misissueqqis-saarnerinik, inassuteqaataanik inerniliinerinillu tamarmiusunik imaqartoq. Isumalioqatigiissitaq aalajangerpoq, misissueqqissaarnerit isumaliutersuutigineqartullu naammassineqareersut paasisaqarfiginiarlugit naqitaareersut atuarnissaat pisariaqassanngitsoq, taamaattumillu isumaliutissiissut inaarutaasoq siornatigut nalunaarusiaasarsimasut eqikkarnerinik imaqassasut Isumalioqatigiissitaq aalajangerpoq.

Tunuliaquttat

Inuiaqatigiinni atugarissaartuni nutaaliaasuni usinik inunnillu assartuussineq pingaarutilittut inissisimavoq. Kalaallit Nunaanni nunami sumiiffit isorar-tunerat, issittup silaanna, innuttaasut siammasissut aammalu innuttaasut ikittukkaat pissutaallutik assartuussineq amerlanertigut ajornakusoortarpoq akisusarlunilu.

Kalaallit Nunaata siunissamut ungasissumut aningaasaqarnikkut namminiiler-nissamik siunnerfeqarnera isumallutinik pitsaasumik atuinissamik pisariaqar-titsiviavoq. Taamaattumik Naalakkersuisut 2009-mi oktobarimi aalajanger-put, Assartuussineq pillugu Isumalioqatigiissitamik pilersitsiniarlutik, tassanilu ilaasortat assartuussinermut pissutsinullu kalaallit atugaannut immikkut ittumik ilisimasaqassasut.

Ilusiliaq Kalaallit Nunaat aamma Europa – assersuusiorneq



Assartuussineq pillugu Isumalioqatigiissitamut suliakkiussat

Assartuussineq pillugu Isumalioqatigiissitaq assartuussinermi siunissami qanoq tulleriaarisoqartariaqarnersoq, taamaalillunilu inuussutissarsiuutnik inuiaqatigiinnillu ineriertortitsineq tamarmiusoq qanoq taperserneqarsinnaanersoq, aammalu Kalaallit Nunaat siunissami assartuussinermik aningaasaqarnikkut imminut napatisinnaasumik qulakkeerinniffigineqarsinnaanersoq pillugu siunnersuuteqarnissamut pingaarnertut suliakkerneqarpoq.

Erseqqinnerusumik Assartuussineq pillugu Isumalioqatigiissitaq:

- Unammilligassanik ineriertornissamullu periarfissanik qitiusunik misissueqqissaartussaavoq
- Sulinuiteqarnermi toqqagassanik tulleriaarinissamullu periarfissanik nalunaarsuisussaavoq naliliisussaallunilu.
- Assartuussinerup aaqqissuussaaneranik ilusiliussassanillu aalajangersimasunik misissuisussaavoq naliliisussaallunilu.

Assartuussineq pillugu Isumalioqatigiissitami suliassaq pingaaruteqartoq aamma tassaasimavoq assartuussinermut Namminersorlutik Oqartussanik aammalu Namminersorlutik Oqartussat siunissami ungasissumi namminilernissamut siunertaannik eqqarsaateqarfiusumut takorluukkanik siunnersuusiornissaq. Tamatuma saniatigut Isumalioqatigiissitap assartuussinermi aalajangiinissamut oqartussaaffit qanoq ilillutik agguarneqarsimanersut misissoqqissaartussaasimavaa, aammalu aningaasalersuisarnermi periaatsit assigiinngitsut avataaniillu aningaasaliisinnaanermut periarfissat nassuartussaasimallugit.

Assartuussineq pillugu Isumalioqatigiissitaq suliassat allattorsimaffiat naapertorlugu aalajangerpoq, assartuussinermi suliassat inuiaqatigiit aningaasaqnerat eqqarsaatigalugu pitsaanerusumik suliarineqarsinnaanersut, taamaassimappallu qanoq iliorluni suliarineqarsinnaanersut pingaartillugu misissueqqissaarfiginiarlugu. Isumalioqatigiissitap assartuussineq pillugu sulianut naleqquttumik piginnaaneqarfiusumillu inuiaqatigiinni oqallinnisamut tunngavissiuinissani pingaartissimavaa.

Misissueqqissaarnerit inassuteqaatillu sukumiinerusinnaanerat Assartuussineq pillugu Isumalioqatigiissitap eqqumaffigaa, kisiannili nunarsuarmi avatangisisitsinni tunngavissat allanngorartuarmata, immikkoortumi matumani suku-miinerusumik tunngavissiorissaq naleqqutinngilaq.

Isumalioqatigiissitap sulinerata inernerisarpiaa tassaavoq isumaliutissiissut inaaruutaasoq, aalajangiisartunut, siunissami assartuussinermi sinaakkusiussasanik pilersitsinissamik aalajangiisussanut sakkussatut atorneqarsinnaasoq.




Assartuussineq pillugu Isumalioqatigiissitami ilaasortat tassaapput:

- Christen Sørensen, (siulittaasoq), Syddansk Universitet-imi professori
- Vagn Andersen, pisortaq
- Kristian Lennert, pisortaq, Inuplan A/S
- Nick Nielsen, ingeniøri
- Karl Davidsen, pisortap tullia, Kanukoka
- Susanne Larsen, siornatigut SAS-imi pisortaanerusimasoq

Inassuteqaateqarnissamut sinaakkusiussat

Assartuussineq pillugu Isumalioqatigiissitap inassuteqaateqarnermini nammi-neerluni misissueqqissaarnini tunngavigai. Misissueqqissaarnerit ilisimatitsis-sutit paasissutissallu, nunap iluani assartuussinermi oqartussaasunit aaqqis-suussaanernillu attuumassuteqartunit katarsorneqartut tunngavigineqarput. Kisiannili aamma siusinnerusukkut assartuussinermi misissueqqissaarnerusar-simasuni nassuiaasiaasarsimasunilu amerlasuuni paasissutissat pissarsiarineq-artut Isumalioqatigiissitap tunngavigai.

Assartuussinermut politikkimut pingaarnermut apeqqutit pillugit misissuin-erit ataqtigii-sinnaanissaat eqikkarneqarsinnaanissaallu anguniarlugu As-sartuussineq pillugu Isumalioqatigiissitaq angallannermut najoqqutassianik taakkununngalu atatillugu aningasaqarnermik naatsorsuinermut najoqqutas-sianik atuisimavoq. Angallannermut najoqqutassiat ilaasunik nassissanillu timmisartukkut imaatigullu assartuussinermut paasissutissanik imaqarput, taakkulu suliassat Isumalioqatigiissitap misissuiffigisaasa misissorneqarnerinut tapertassatut atorneqarput. Angallannermut politikkimut apeqqutit qitiusut pingaarnerit ataqtigii-sumik eqqikkarlugillu misissuiffigineqarnissaat tassani siunertarineqarpoq.



Inuaqatigiit aningaasaqarnerannut akilersinnaassuseq

Suliassat inuaqatigiit aningaasaqarnerat eqqarsaatigalugu imminut akilersinnaanersut, tamatumani aningaasaqarnikkut namminiilernissamut periarfissat annertusineqartussaammata, Assartuussineq pillugu Isumalioqatigiissitap misissueqqissaarnermini aallaavigaa. Taamaattumik suliassat Kalaallit Nunaanni sullisisunut tamanut iluaqtissartaat akornutissartaallu oqimalutariarlugit inuaqatigiit aningaasaqarnerannik misissueqqissaartoqarpoq. Inuaqatigiit aningaasaqarnerannik naatsorsuinerit nunap iluani kalaallit isumaat aallaavigineqarput. Tassalu nunaqavissut pissarsiassaat/annaasassaat, toqqaannartumik toqqaannanngitsumilluunniit sunniutissaat naatsorsukkanut ilangunneqarput.

Tamatigut periaaseq ataaseq

Isumalioqatigiissitap assartuussinermut suliaq ataaseq inuaqatigiit aningaasaqarnerat eqqarsaatigalugu imminut akilersinnaanersoq misissoqqissaaraangamiuk naliliiffigigaangamiullu tamatigut periaaseq ataaseq atortarpaa. Siullermik suliassaq pineqartoq naammassineqarsinnaanngippat pissutsit qanoq issanersut nassuiaateqarfingineqartarpooq, tamatumalu kingorna suliassaq naammassineqarsinnaappat pissutsit qanoq issanersut nassuiaatigineqartarluni. Misissueqqissaarnerni naliliinernilu pisuni taakkunani akiliisarnerit ingerlanerisa assigiinngissutaat, assartuussinermi suliassap inuaqatigiit aningaasaqarneranni imminut akilersinnaaneranik naliliinermi tunngavigineqartarpooq.





Assartuussineq pillugu Isumalioqatigiissitaq misissueqqissaanermini siunis-samut ungasissumut missiliuivoq. Amerlanertigut suliap aallartinneraniit ukiut aningaasaliiffiusussat ukiunut 25-inut sivissusulerneqartarput. Taamaattumik misissueqqissaarnerni, isumaliutersuutini, naliliinerni inerniliinernilu ilaatigut inuussutissarsiornermi inuiaqatigiinnilu ineriartornermut missiliuinerit naling-innaasut tunngavigineqartarput.

Isumalioqatigiissitap takorluugai
Isumalioqatigiissitap takorloorpaa:

Innuttaasut assartuussinermik akikitsumik, pitsaasumik inuiaqatigiillu aningaasaqarneranni akisussaassuseqartumik atuisinnaassapput.

Takorluugaq tamanna Isumalioqatigiissitap assartuussinermi inassuteqaasias-saminik nassaarniarluni sulinermini tunngavigaa. Tassalu Isumalioqatigiissitaq misissuinernik inassuteqaatinillu aalajangiussaqaraangami, ullumikkut pissutsit aallaavigalugit sullinnejnarerup pitsaassusissaata minnerpaaffissaanik qulakkeerinissaq anguniartarsimavaa.

Tunngaviusut

Isumalioqatigiissitaq misissueqqissaarnermini aalajangerpoq, illoqarfittunaqarfilla ullumikkutut inisisimanerat taamaatsiinnarlugu tunngavigin-iarlugu. Innuttaasut illoqarfinnut nunaqarfinnullu eqiteruttuuppata soorunami sipaagassarpassuit piviusunngortinnejarsinnaagaluarput. Kisianni sumiiffit najugaqariaatsillu pillugit apeqqutit politikkimut tunngasummata, Assartuussineq pillugu Isumalioqatigiissitap pissusiviusut, aammalu sumiiffinni ineriartornerup tamarmiusup ingerlanera tunngaviginiarlugit aalajangerpoq. Taamaattumik Isumalioqatigiissitaq Imarpik qulaallugu timmisartunut mittarfinni angisuuni marlunni nunaqarfitt eqqaassanngikkaanni, najugaqari-aatsinut sumiiffinnullu allannguutissanik siunnersuuteqanngilaq.

Isorliunerusut sullinneqarnerisa ullumikkutut iinnarnissaat imaluunniit pitsaanerulernissaat pingaartinneqarpoq. Tamanna pissutigalugu sullissinerup, soorlu umiarsuit pilersuisut tikittartut imaluunniit timmisartut angallatillu tikittartut ikilisinnerisigut, annertuumik ajorseriartinneratigut sipaagassat piviusunngortinnejarsinnaanerinut periarfissat misissuiffingiarnagut Isumalioqatigiissitaq aalajangerpoq. Kisiannili sumiiffinni annertungaatsiartumik sullissiviusuni qinigassat allat, innuttaasut ilaannut sullissinermik ajorseriartitsiviusinnaasut Isumalioqatigiissitap misissuiffigai.

Assartuussineq pillugu Isumalioqatigiissitap pingaarnertut mianersortumik naliliinerit atorpai. Taaku tunngavissanut misissuinernut ilaatinneqartunut, aammalu misissuinernut ilaatinneqartunut killiliussanut atatillugu atorneqarput. Tassalu assersuutigalugu Isumalioqatigiissitap tunngaviusumik saniatigut sunniutit pissutsillu nalorninartoqartut naatsorsuinernut ilaatinngilai, kisaninili malussajassutsimik misissuinerit aqqutigalugit nassuiarniarsimallugit.

Kalaallit Nunaanni assartuussinikkut unammilligassat immikkut ittut

Kalaallit Nunaanni assartuussineq imikkut ittumik unammilligassaavoq. Tamatumunnga nunap angissusia aammalu innuttaasut 56.000-erpiat, illoqarfinnut 18-inut nunaqarfin-nullu 60-it missaannii tunut agguarsimasut ikittuinnaanerat pissutaavoq. Innuttaasut siammasinnerisa kingunerisaanik mittarfinni umiarsualivinnilu, inunnik nassiuasanillu assartuussinermut atorneqartuni attaveqaatinut aningaasaliisarnerit amerlasoorsuusarpuit.

Aamma sumiiffiit isorartoorsuarmiinnerisa kingunerisaanik assartuussinermut aningaasartuutit ataatsimut isigalugit qaffasipput. Assersuutigalugu maannakkorpiaq illoqarfiiit 16-it umiarsu-aliveqarput, kiisalu nunaqarfiiit talittarfeqarlutik aalisariutinullu ikaartarfeqarlutik. Atortut katillugit 185-it missaannii putput, tassaallutik umiarsuarnut Imarpik ikaarlugu angalasartunut talittarfiit, aalisariutinut talittarfiit, nunaqarfinni ikaartarfiit, puttasut, pituttortarfiit, pituttortarfiit puttasut il.il. Aamma nunap iluani mittarfiit 59-iupput, taakkunangna 13-it timmisartunut suluusalinnut mittarfiullutik, sinnerilu qulimiguulimmik timmisartuussivigineqartarlutik.



Assartuussineq pillugu Isumalioqatigiissitap inassuteqaatai

Assartuussineq pillugu Isumalioqatigiissitap suliakkerneqarnini tunngavigalugu aalajangerpoq, misissueqqissaarnermini angallannermut attaveqaatinisuliassat angisut pingaarutillillu aallunniarlugit. Tamatuma kingunerisaanik pingaartumik Kangerlussuarmi Narsarsuarmilu Imarpik qulaallugu timmisartunut mittarfiit siunissaat, kiisalu Nuup umiarsualiviani unammilligassat Isumalioqatigiissitap misissuiffigai.

Isumalioqatigiissitap aamma suliassat arlallit allat, nunap iluani agguardeqar-simasut misissueqqissaarfigai. Inunniq angallassinermut tunngatillugu Kalaallit Nunaata kujataata iluani inunniq angallassineq misissuiffigineqarpoq, sineriak sinerlugu imaatigut angallassineq misissueqqissaarfigineqarpoq, Ilulissani mittarfiup tallineqarnissaa misissueqqissaarfigineqarpoq, aammalu nunap iluani mittarfinnik nutaanik sanaartornissat imaluunniit mittarfinnik pioreersunik alliliinissat arlalinnik misissueqqissaarfigineqarput. Nassiusanut tunngatillugu umiarsualivinnik alliliinissat misissueqqissaarfigineqarput.

Assartuussineq pillugu Isumalioqatigiissitap suliassanik aalajangersimasunik misissuinermi saniatigut aamma assartuussinermi politikkikkut suliassaqarfiiit arlallit sammisimavai. Tassani assartuussinermi ajornartorsiutit akimorlugit, soorlu aaqqissuussaaneq, unammilleqatigiinneq, aningaasalersuinerlu il.il. misissuiffigineqarput.

Silaannakkut angallassineq

Silaannakkut angallassineq nunat tamat akornanni, nunap immikkoortuini aammalu illoqarfiiit nunaqarfiiillu akornanni angallassinermi pingaaruteqartorujussuuvoq. 2009-ip naanerani silaannakkut angallannermut sanaartukkut 59-iupput:


- Mittarfiit 13-it timmisartunut suluusalinnut atortullit, taakkunangna arfinillit 2009-mi nunanut tamalaanut angallavinnut, Københavnmut imaluunniit Islandimut attaveqartut (Pituffik – Amerikamiut avanersuarmi sakkutooqarfiani mittarfik ilanngunnagu)
- Heliportit arfinillit (Kangilinnguani heliporti ilanngullugu)
- Helistoppit 40-t qulimiguullit illoqarfiiit nunaqarfiiillu akornanni angallavinnut pituttorsimasut angallannerannut terminalinik immikkut atortoqanngitsut.

Mittarfeqarfiiit (GLV) atortut taakku tamaasa pigisaraat, Kangilinnguani heliporti, Grønlands Kommando-mit (GLK) pigineqartoq aamma helistoppit pingasut Air Greenlandimit pigineqartut pinnagit.

Mittarfeqarfiiit aamma timmisartoqarfinni tamani, Qasigiannguani Qeqertarsuarmilu heliportit, kiisalu Uummanni Tasiilamilu helistoppit marluk ingerlanneqarnerat isumagisaraat. Qaqortumi, Narsami aamma Nanortalimmi helistoppit pingasut Air Greenlandimit ingerlanneqarput, kiisalu Kangilinnguani heliporti Grønlands Kommando-mit isumagineqarluni. Helistoppit allat 38-it pingaartumik KNI Pilersuisumit ingerlanneqarput..

Suliassanut inassuteqaatit

Assartuussineq pillugu Isumalioqatigiissitap suliassat assigiinngitsut, nuna tama-kkerlugu agguarsimasut misissuiffigai. Takussutissiami suliassat misissueqqis-saarfigineqartut tamarmik takussutissiorneqarput.



Matuma kinguliani suliassat assigiinngitsut aammalu Assartuussineq pillugu Isumalioqatigiissitap naliliinera saqqummiunneqarput. Suliassat immikkoortut pingasunut immikkoortitigaapput:

1. Suliassat ataatsimut inuiaqatigiit aningasaqarnerannut iluaqutaasinnaasut, aammalu suliassap ingerlateqqinnejarnissaanut inassuteqaateqarfiusut;
2. Suliassat ingerlateqqitassatut unitsinneqartussatulluunniit naliliiffigineq-arsinnaalinnginnerminni misissoqqinnejartariaqartut;
3. Suliassat inuiaqatigiinni anngaasaqarnermut sunniuteqarnerluttussaanertik pissutigalugu unitsinneqartussatut inassutigineqartut.

Suliassani immikkoortut taakku tamaasa immikkut takussutissiorlugit allattorneqarput. Takussutissiat taamaallaat nassuaatinik naatsunik aammalu Assartuussineq pillugu Isumalioqatigiissitap inassuteqaataasa eqikkarneqarnerinik imaqarput. Nassuaatit inassuteqaatillu tamarmiusut Assartuussineq pillugu Isumalioqatigiissitap isumaliutissiissutaani nassaarineqarsinnaapput.

Takussutissiami siullermi Isumalioqatigiissitap suliassanut inassuteqaatai allattorneqarput.



Suliassat ataatsimut inuiaqatigiit aningaasaqarnerannut iluaqutaasinnaasut, aammalu suliassap ingerlateqqinnejarnissaanut inassuteqaateqarfiusut.

Suliassaq	Nassuaat	Inassuteqaat
Nuup mittarfia	Nunap mittarfiata qitiusup Kangerlussuarmiit Nuummut nuunneqarnissaa. Nuummiit Nuummut ilaasut maannakkut siunissamilu ilaasartunit amerlanerpaalluinnartarnissaat naatsorsuutigineqarpoq. Assartuussineq pillugu Isumalioqatigiissitap Nuummi inissiiffissat pingasut, aamma Islandimi Keflavik-ip nunamut timmisartumik angallannermut akunniffissatut pingaarnertut atorneqarnissaa misissuiffigisimavai.	Isumalioqatigiissitaq isumaqarpooq, Kalaallit Nunaanni Imaprik qulaallugu timmisartunut mittarfiup qitiusup Kangerlussuarmiit Nuummut nuunneqarnissaa tunngavis-saqartoq. Isumalioqatigiissitap misis-sueqqissaarnerisa takutippaat, Nuummi mittarfik maannakkut inissisimaffigisamini (2200 m-inut) tallineqassappat, tamanna inuiaqatigiit aningaasaqarneranni imminut akilersinnaanerpaassasoq. Isumalioqatigiissitap mittarfiup nuunneqarnissaanik inassuteqarnerani, maannakkut inissismaffiusup timmisartut sukkasuuliat annerit missinnaanissaannut naleqqunnersoq paasiniarlugu ilassutaasumik misissuinerit apeqquataatinneqarput. Imaprik qulaallugu timmisartunut mittarfiup Kangerlussuarmiit Nuummut nuunneqarnissataa inuiaqatigiit aningaasaqarneranni imminut akilersinnaassutsimik misis-suineri, Kangerlussuup matuneqarnissaa pingaartorujussuartut tunngavigineqarpooq. Tassani qinigassaqarnissaq pineqanngilaq. Nuussinissamat/2200 m-inut talliliinis-samut tikittartut akulikissusiannik misissuinerit ilassutaasut, Assartuussineq pillugu Isumalioqatigiissitap naliliinera malillugu ukiup ataatsip ingerlanerani naammassineqarsinnaasut utaqqineqartariaqarput. Taamaattorli timmisartuni atortunut teknologiq ineriaitornera pissutigalugu 1199 m-inut talliliinissaq piaartumik aallartin-neqartariaqarpooq.

Suliassaq	Nassuaat	Inassuteqaat
Qaqortumi mittarfik	Kalaallit Nunaata kujataani mittarfiup Narsarsuarmiit Qaqortumut nuunneqarnissaq. Kalaallit Nunaata kujataani ilaasartut amerlanerpaartaat Qaqortumut aallaaveqarput, tassungaluunniit tikittarlutik. Mittarfimmik inissiiffissat mit- tarfiillu takissusissaat: 1199 m aamma 1799 m, assiginngit- sut misissuiffingineqarput.	Isumalioqatigiissitap misissueqqissaarneri Qaqortumi nutaamik mittarfiliornissaq, tamatumalu peqatigisaanik Narsarsuarmi mittarfiup matuneqarnissa imminut akilersinnaanerannik tikkussipput. Mit- tarfik nutaaq taamaallaat 1199 m-inik takissuseqaruni imminut akilersinnaavoq, kisianniili allileeqqissimmaaneq siunissamut qulakkeerniarlugu Isumalioqatigiissitaq inassuteqarpoq, 1799 m-inut tallineqarfis- ginnaasaanut inissinneqassasoq. Assartuussineq pillugu Isumalioqatigiis- sitamit erseqqissarneqarpoq, Narsarsuarmi mittarfiup piginnarneqarnissaq, tamatu- malu peqatigisaanik Qaqortumi mittarfili- ornissaq inuiaqatigiit aningaasaqarnerat eqqarsaatigalugu akisoorujussuussa- soq, taamaattumillu periarfissaq taanna piuviusorsiortutut Isumalioqatigiissitamit isumaqarfingineqanngilaq.
Nuummi umiarsualivik containerersor- fiusoq	Suliassami Nuummi Qeqertani umiarsualivik containerersor- fiusoq, 320 m-imik talittarfilik aammalu 40.000 m2-mik nunatalik pineqarpoq. Maannakkut talittarfiusumi pisinnaasat amigarpuk, nas- siussallu amerliartuinnarnis- saat naatsorsuutigineqarmat, maannakkut umiarsualiviusoq allineqanngikkuni atorneqarn- erani naammassisinnaasat ajorsiartuinnassapput.	Nuummi talittarfik inuiaqatigiit anin- gaasaqarnerat eqqarsaatigalugu annertu- umik sinneqartoorfiusarpoq. Umiarsualiviup allineqarnissaanik Isumalioqatigiissitaq inassuteqarpoq, misissuinerit taamatut inerniliinerup isummat naliliinerillu qitiusut allanngorangaatsiartut tunngavigineq- arnerini isumannaatsuunerinut tikkussim- mata.
Kalaallit Nu- naata kujataata iluani inunnik angallassineq	Isumalioqatigiissitap is- umaa malillugu mittarfik Narsarsuarmiit Qaqortumut nuunneqassappat, sumiiffiup iluani inunnik angallassinissap pisariaqartinneqarnera annikil- lissaaq. Suliassami piffissap sikorsuaqanngiffiusup/imaata sikuunngiffiani qulimiguulinnut taarsiullugu assartuussin- ermi angallatinik atuinissaq pineqarpoq. Qulimiguulinnut anin- gaasartuutit ikilisinnerisigut atingaasartuutit tamarmiusut ikilisinneqarnissaat siunet- tarineqarpoq. Tamatuma sa- niatigut suliassaq aallartartut amerlinerinik nassataqassaaq.	Assartuussineq pillugu Isumalioqatigiis- sitaq naliliivoq, Kalaallit Nunaata kujataani piffissami sikorsuaqanngiffiusumi /imaata sikuunngiffiani angallatinik minnerit atorlugit sullissinissaq inuiaqatigiit aningaasaqarn- erannik iluaqtissartaqtoq, tassalu ukioq kaajallallugu qulimiguulinnik atuinernek tunngaveqarlungu sullissinissamut taar- siullugu. Kisianniili assartuusseriaaseq ataasiinnaq atorneqassaaq, taamaattumillu piffissami angallatinik atuiffiusumi qulim- iguullit unittassapput. Isumalioqatigiissitaq naliliivoq, angallatin minnerit aningaasat ikinnerusut atorlugit angallasseriaatsimik eqaannerusumik, akulikinnerusunik tikiffiusartumik pilersit- sisoqassasoq.

Suliassaq	Nassuaat	Inassuteqaat
Qaqortup aamma Narsap akornanni aqqusinikkut aamma angallat ikaartaat ataqtigisilugit at-taveqarneq	Narsap aamma Qaqortup akornanni aqqusineq/angallat ikaartaat ataqtigisillugit toqqaannartumik atassusinikkut Qaqortumi mittarfip nutaap imminut akilersin-naalernissaanut periarfissanik ammaasoqassaaq. Sulias-sami mittarfimmut qanittumut talittarfiliorissaq, aamalu mittarfip talittarfiullu akornanni aqquserniorissaq siunnerfigineqarpoq. Sulias-sami qulimiguulinnik assartuisarnerit ikilisinneqarnissaat aamalu illoqarfiit imminut atasunngortinne-qarnissaat siunertarineqarpoq.	Mittarfik Qaqortumut nuunneqassappat, mittarfik aqqusaarlugu Qaqortup aamma Narsap akornanni aqqusinermik/ikaartaammik ataatsimoortumik pilersitsinissaq inuaqtigijit aningaasaqarneranni imminut akilersinnaasooq Isumalioqatigiissitap naatsorsugaasa takutippaat. Attaveqaatip taassuma pilersinneqarnissaq Isumalioqatigiissitap inassutigaa, aammalu attaviliinermi angallatit minnerit atorneqarnissaat inassutigalugu.
Ilulissani mittarfik takinerusoq	Suliassami angallannikkut pissutsit pitsaanerulersineqarnissaat aamalu timmisartunik annerusumik atuisinnaalernissaq anguniarlugu Ilulissani mittarfip allineqarnissaq pineqarpoq. Tamatumani nassiussanik inunnillu assartuussinerup pitsaanerusumik aningaasaqarnermullu ilu-aquatasumik ingerlanneqaler-nissaq qulakkeerneqassaaq. Ilulissat mittarfiata tallineqarnissaanut periarfissat marluk misissuiffigineqarput: Mittarfip maannakkut 845 m-inik takissusillip 1199 m-imut tallineqar-nissaa aamma 1799 m-inut talline-qarnissaa.	Assartuussineq pillugu Isumalioqatigiissitap inassutigaa, Ilulissani mittarfik tallineqasasooq. Isumalioqatigiissitap misissuinerata takutippaa, mittarfik 1199 m-inut tallineqarpat tamanna inuaqtigijit aningaasaqarneranni sinneqartoifiussasooq. Taamatulli inermiliineq takornariaqarnermut naatsorsuutigisanut malussajasorujussuvooq. Kisianni teknologiip ineriaortunerata kingunerasanik ukiut tallimaniit arfineq pingasut iluanni mittarfik piingitsoorani minnerpaamik 1050 m-inut tallineqartari-aqarpoq.

Suliassaq	Nassuaat	Inassuteqaat
Nanortalimmi Paamiunilu mittarfiit nalinginnaasut	Suliassami Nanortalimmi mittarfimmik nalinginnaasumik sananissaq tamatumalu peqtigisaanik Paamiuni mittarfiup atorneqarneranik appartitsinissaq pineqarpoq. Tamatuma kingunerisaanik Qaqortumi mittarfiup nutaaq peqtigisaanik Kalaallit Nunaata kujataanut/kujataaniit sinerak sinerlugu timmisartut sarpillit mikisut atorlugit timmisartuussinissamut tunngavissa-qartoqalissaq.	Isumalioqatigiissitap misissueqqisaarnerisa takutippaat, Nanortalimmi nalinginnaasumik mittarfiliorneq, aammalut timmisartut mikisut atorlugit Nanortallip Nuullu akornanni Qaqortoq aamma Paamiut aqqusaaarlugit angallavimmi timmisartuussineq ataatsimut isigalugit inuiaqatigiit aningaasaqarnerat eqqarsaatigalugu annertuumik iluanaaruteqartoqarsinnaasoq. Taamaallaalli tamatuma peqtigisaanik Paamiuni mittarfiup atorneqarnerata mittarfimmik nalinginnaasumut annikillineqarnerni inerniliineq atorsinnaavoq. Atuinermerik appaasoqanngippat Nanortalimmi mittarfiup nutaaq sananeqarnissaa imminut akilersinnaanngilaq (tak. Nanortalimmi mittarfimmik nalinginnaasumik sananissaq kisiat eqqarsaatigalugu).
Tasiilami mittarfik	Ammassalimmi eqqaanilu sullissineq ullumikkut Kulusummi mittarfik aqqtigalugu ingerlanneqarpoq. Suliassami mittarfiup Tasiilamut nuunneqar-nissaa pineqarpoq, tassani inuit amerlanerpaataat najugaqarmata. Sumiiffimmi qulimiguulik atorlugu assartuussinissamik pisiaqartitsinerup annikillisineqarnissaa siunertarineqarpoq. Aamma suliassami sumiiffimmut takornarianut pissuttsit pitsangortinnejneqartussaapput.	Kulusummi mittarfimmik taarsiul-lugu Tasiilami nutaamik mittarfiliornissaq Isumalioqatigiissitap misissugai malillugit inuiaqatigiit aningaasaqarneranni annertuumik sinneqartoorfiusussaavoq. Tamatumunnga pingartumik qulimiguulik atorlugu sumiiffiup iluani assartuussinermi anguneqarsinnaasunut sanilliullugu amerlasuunik sipaagaqarsinnaaneq pissutaavoq. Tamatuma saniatigut suliassaq sumiiffimmut takornariartartunut annertuuunik iluaquitissaqarpoq. Tamanna tunngavigalugu Isumalioqatigiis-sitaq inassuteqarpoq, Kulusummi mittarfik Tasiilamut nuunneqassasoq. Kiisalu Isumalioqatigiissitap erseqqissaatigaa, nuussinissaq Tunumi inuussutissarsiuutnik ineriartortsinermik nukittortitsisinhaasoq.
Ittoqqortoormiini mittarfik	Ittoqqortoormiini eqqaanilu sullissineq ullumikkut Nerlerit Inaanni mittarfik aqqtigalugu ingerlanneqarpoq. Suliassami mittarfiup Ittoqqortoormiinut nuunneqarnissaa pineqarpoq, tassani inuit amerlanerpaataat najugaqarmata. Sumiiffimmi qulimiguulik atorlugu assartuussinissamik pisiaqartitsinerup annikillisineqarnissaa siunertarineqarpoq.	Nerlerit Inaanni mittarfimmik taarsiullugu Ittoqqortoormiini nutaamik mittarfiliornissaq Isumalioqatigiissitap misissugai malillugit inuiaqatigiit aningaasaqarneranni annertuumik sinneqartoorfiusssaqq. Tamatumunnga pingartumik sumiiffimmi qulimiguullip atorneqarunnaarsinnaanissaa pissutaavoq. Nuussinermi takornarianik assartuussinermut pissuttsit pitsangortinnejneqassapput, taamaattumillu aamma sumiiffimmi takornariaqarnerup ineriartotinnejneqarnissaanut periarfissaqartitsilluarluni. Taamaattumik mittarfik Nerlerit Inaanniit Ittoqqortoormiinut nuunneqassasoq Isumalioqatigiissitap inassutigaa.

Suliassaq	Nassuaat	Inassuteqaat
Qaarsut aamma Uumman-nap akornanni aqqusinikkuat aamma angallat ikaartaat ataqatigiissil-lugit at-taveqarneq	Qaarsuni mittarfik illoqarfim-mut Uummannamut mittarfittut isaariaavoq, naak mittarfik Nuussuuup qeqertaasartaani nunaqarfip Qaarsut eqqaanni, Uummannamiit kim-mut 20 km-it missaannik ungassisuseqartumi inis-sisimagaluartoq. Suliassami aasaanerani qulimiguulimmik angallassinermut taarsiullugu Qaarsut aamma Uumman-nap akornanni angallatinik atuinissaq, aammalu Qaarsuni talittarfegarnermi pissutsit pitsangortinneqarnissaat pineqarpoq, taakkununngalu aqqusinniorneq ilaavoq.	Isumalioqatigiissitap naatsorsugaasa takutippaat, aasaanerani, tassalu juunimiit septembarimut qaammatini sisamani Qaarsut Uummannallu akornanni angallassin-ermet angallatit mikisut iluaqutaasumik atorneqarsinnaasut. Isumalioqatigiissitaq naliliivoq, sullisisut ingerlatsinermut aningaasartutinut sipaagassaat talitta-rfeqarnermik pitsannguinissamut aningaasaliissutissanit amerlanerulluinnartut. Taamaattumik Assartuussineq pillugu Isumalioqatigiissitaq inassuteqarpoq, aasaanerani ilaasunik angallassinermut qulimiguullit atorneqarnerat taarserlugu angallassisoqassasoq.
Qaanaami mittarfiup matuneqarnissaa	Suliassami Qaanaami mit-tarfip matuneqarnissaat pine-qarpoq. Tassunga taarsiullugu sumiiffiup sullinneqarnera Pituffimmi mittarfik aqqu-tigalugu ingerlaneqassaaq. Taamaalilluni angallasser-aaseq mittarfiup 1. september 2001-imi ammarneqarnissaat tikillugu atorneqarsimasoq eqquteqqinnejeqassaaq. Qaanaami mittarfik matune-qassaaq, aammalu heliport-toqqamit ammaqqinnejeqartus-samit taarserneqassalluni. Siunissami Qaanaami mittarfik timmisartunut nunaannarmut mittartunut atorneqarsinnaas-saaq.	Isumalioqatigiissitap naatsorsugaasa takutippaat, Qaanaami mittarfiup ammatiin-narneqarnissaat imminut akilersinnaanngits-oq. Taamaattumik Assartuussineq pillugu Isumalioqatigiissitaq inassuteqarpoq, mittarfik piaarnerpaamik matuneqassasoq, taamaalillunilu inuiaqtigii aningaasaqar-neranni annertuumik sinneqartoortoqas-saaq. Sumiiffimmut ilaasut tamatumunnga taarsiullugu Pituffik aqqtigalugu sull-inneqalissapput. Tamatuma kingunerisaanik Pituffimmi/ Thule Air Base-mi mittarfiup timmisartut/ qulimiguullit akornanni taarsiinissamut atorneqalersinnaaneranik kinguneqartussa-mik amerikiuniut isumaqatigiissusior-nisaq pilertortumik inissinneqartariaqarpoq. Isumaqatigiissusiaami maleruagassat, 2001-imi Qaanaap ammarnissaata tungaa-nut atuussimasut atuutsinneqaleqqinnis-saat tunngavigneqartariaqarpoq.

Misissueqqissaarnernik, Assartuussineq pillugu Isumalioqatigiissitap sulinera-nut piffissaliussap iluani paassisutissanik tunngaviusussanik pisariaqartunik pissarsisoqarsinnaannginnera pissutigalugu Assartuussineq pillugu Isumalio-qatigiissitap naammassisinnaanngisaanik imaluunniit inaarsinnaanngisaannik peqarpoq. Kiisalu apeqqutinik, suliassaqarfinni allani misissuinernik aallartit-sisoqarsimanera imaluunniit pilersaaruteqartoqarnera pissutigalugit Assartu-ussineq pillugu isumalioqatigiissitaq misissuisinnaasimanngilaq.

Takussutissiami tullermi suliassat, misissuinernik ingerlatsinissamut pisari-aqartunik paassisutissanut tunngaviusunik amigaateqarneq, imaluunniit misis-suinerit taakku suliassaqarfinni allani suliarineqarnerat pissutigalugu Assartu-ussineq pillugu Isumalioqatigiissitap naliliiffigisinnaanngisai takutinneqarput.

*Suliassat ingerlateq qitassatut unitsinnejartussatulluunniit naliliiffigineqarsinnaalinngin-
nerminni misissoqqissaarneqartariaqartut*

Suliassaq	Nassuaat	Inassuteqaat
Sisimiuni Umiarsualiviup allineqarnissaa	<p>Sisimiuni umiarsualiviup allineqarnissaani aalisariutinut talittarfip nunaataalu containerersorfiup il.il. allineqarnissaat pineqarput.</p> <p>Umiarsualivik pisinnaastaqut ajornartorsiorfiupoq, ilaatiut aalisariutit taliffisaat amigaatigineqarmata, ilaatiigullu umiarsualivik umiarsuarnik containerersortunik aalisariutinillu ataatsikkut taliffigineqartussaillugu ajornartorsiotaqartarmat.</p>	<p>Assartuussineq pillugu Isumalioqatigiissitaq isumaqarpooq, Sisimiuni umiarsualiviit alineqernerani inuaqtigiait aningaasaqerneranni iluanaaruteqarsinnaanermut takussutissat arlaqartut, pingartumik aalisariutinut/suliffisuarnut talittarfik eqqarsaatigalugu.</p> <p>Iluanaarutissatulli tikkuarneqartut ersarsumik uppernarsarneqannigillat, aammalu Isumalioqatigiissitap Sisimiuni umiarsualiviup allineqarnissaal naaliliiffiginiarlugu atortut pingaarnersaat uppernarsartissinnaasimanagit. Taamaattumik sapinngisamik piaarnerpaamik ataatsimiititaliamik sulinasuartussamik, umiarsualiviup allineqernerani iluanaarutisanik naaliliisinnasumik pilersitsisoqarnissa Assartuussineq pillugu Isumalioqatigiissitap inassutigaa.</p>
Umiarsualiviit allat	Kitaata sineriaani umiarsualiviit arlallit allineqarnissaat siunnersuutigineqarpooq. Tamatumani Ilulissani umiarsualivik aamma Aasianni Maniitsumilu umiarsualiviit pineqarput.	<p>Suliassat umiarsualivinni pissutsinik pitsangnusussatut siunnersuutigineqartut taamaallaat pingaarnersiorlugit saqqummiuneqarput. Suliasiassaasinnasunut sanaartornermut missingersuusiavinnik soqartoqanngilaq. Taamaattumik, suleqatigiissitamik, soorlu Ilulissani umiarsualivinnik alliliinermi iluanaarutissanik naaliliisussamik pilersitsisoqarnissa Isumalioqatigiissitap inassutigaa.</p> <p>Aasianni uuliasiorluni misissuinermi ingerlatat pissutigalugit umiarsualivimmik alliliinissap piffissap qanittup iluani pisariaqalersinnaanera najugaqtunit neriuutigineqarpooq. Kisianili Assartuussineq pillugu Isumalioqatigiissitap naaliliinera malillugu Aasianni umiarsualivimmik alliliinissaq kitaani sineriak tamaat sinerlugu uuliasiorluni misissuinermi ingerlatassanut atasutut isigineqassaaq. Taamaattumik Aasianni umiarsualivimmik alliliisoqassappat, Namminersorlutik Oqartussat/uuliasiofiutileqatigiiffiit siunissami misissuiniissamut pilersaarutaannut ataqtigiihinneqartariaqarput, tamatumunngalu atatillugu umiarsualivimmik alliliisinnanerup aningaasalersorneqarnissa aamma paasineqartariaqarluni.</p> <p>Maniitsumi umiarsualivimmik alliliinissaq maannakkorpiaq Alcoa-mi suliamut atatillugu Inuussutissarsiornermut Suliffeqernermallu Naalakkersuisoqarfimmit misissuiffigineqarpooq. Taamaattumik Assartuussineq pillugu Isumalioqatigiissitaq aalajangerpoq, Maniitsumi umiarsualivimmik suliassanik naaliliiniarani, suliassap tamatuma Naalakkersuisoqarfimmit isumagineqarnissaaleqquunnerpaammat.</p>

Suliassaq	Nassuaat	Inassuteqaat
Uummannap qeqertaani mittarfik nutaaq	Qaarsuni mittarfik silaan-nakkut angallassinermi illo-qarfimmut Uummannamut isariaavoq, naak mittarfik Nuussuup qeqertaasartaani nunaqarfiaup Qaarsut eqqaanni, Uummannamit kimmuit 20 km-it mis-saannik ungasissuseqartumi inissisimagaluartoq. Suliassami Nuussuup Qeqertaasartaani Qaarsuni mittarfimmut taartissamik Uummannap qeqertaani mittarfiliornissaq pineq-arpooq.	Siusinnerusukkut misissuinerit takutippaat, Uummannap qeqertaani mittarfiliornissaq teknikki eqqarsaatigalugu ajornakusoortorujus-suusooq akisoorujussuullunilu. Assartuussineq pillugu Isumalioqatigiissitamit erseqqissaatigineqarpoq, Uummannap qeqertaani mittarfiliornissamut periarfissat nutaamik misisornegartariaqartut, taakkunani lu mittarfinnut aalajangersakkat atuuttut maannakkullu Uummannap qeqertaani pissutsit atuuttut aalavagineqassasut.

Assartuussineq pillugu Isumalioqatigiissitaq aamma suliassanik arlalinnik, inuiaqatigiit aningaasaqarnerat eqqarsaatigalugu imminnut akilersinnaanngitsut paasineqartunik, taamaattumillu suliarineqartussatut Isumalioqatigiissitap inassutigisinjaanngisaanik suliaqarsimavoq. Takussutissiami kingullermi suliassat unitsinneqartussatut Assartuussineq pillugu Isumalioqatigiissitap inassuteqaateqarfigisai takutinneqarput.

Suliassat inuiaqatigiinni anngaasaqarnermut sunniuteqarnerluttussaanertik pissutigalugu unitsinneqartussatut inassutigineqartut

Suliassaq	Nassuaat	Inassuteqaat
Kangerlus-suup aamma Sisimiut akorn-anni aqqusineq nutaaq	Kangerlussuup Sisimiullu akornanni angallannermi ullumikkut pingaartumik timmisartoq tulliatullu umiarsuaq atorneqarput. Suliassami Sisimiut aamma Kangerlussuup akorn-anni aqqusinniorissaq pineqarpoq. Aqqusineq 170 km-it missaannik takis-suseqassaaq, ujaraaqqanik galligaassalluni, aqqusin-erlu panertillugu isik-kivigitsillugulu piffissaq biilerfiusussaq nalunaaqut-tap akunnerisa pingasut missaannik sivisussuse-qassaaq. Tassani sukkas-suseq agguaqatigiissillugu nalunaaquttap akunneranut 60 km-iussaaq. Aqqusin-niornikkut Kangerlussuup mittariata tikinnejqarsin-naanerata pitsaanerulernis-saa siunertarineqarpoq.	Assartuussineq pillugu Isumalioqatigiissitap naliliinera malillugu Sisimiuni mittarfik pigiinnarneqarluarpal atorunnaalarluarpal-luunniit, Kangerlussuup Sisimiullu akornanni ujaraaqqamik qallikkamik aqqusinniorissaq piviusorpalaangilaq. Taamatut naliliin-ermei Kangerlussuarmi mittarfip ullumikkut atorneqaannarnissaa tunngavigineqarpoq, kisiannili Kangerlussuarmi mittarfik matuneqas-sappat inerniliinerup inassuteqaatillu kimigat sakkortuneruliinnartussaavoq

Suliassaq	Nassuaat	Inassuteqaat
Kalaallit Nunaata kujataani aqqusernit nutaat	<p>Illoqarfiiq Narsaq, Narsarsuaq aamma Qaqortoq imminut qanittunnguullutik inissisimapput. Suliassami Kalaallit Nunaata kujataani illoqarfiiq akornanni angal-laviiit "aalajangersimasut" pingasut pillugit siunnersuutit assigiiingitsut pineqarput.</p> <p>Kalaallit Nunaata kujataani mittarfiup Narsarsuarmi-iginnarnissaq siunnerfi-galugu Qaqortup aamma Narsap Narsarsuarmut atalersinnejarnissaat siunertarneqarpoq.</p>	<p>Isumalioqatigiissitap naatsorsugaani takutinneqarpoq, Kalaallit Nunaata kujataani attaveqaatit aalajangersimasut taakku sananeqarnissaat inuiaqtigiiit aningaaasaqnerat eqqarsaataligulu imminut akilersin-naanngitsoq, aammalu aaqqiissutissat taamaattut mittarfiup Narsarsuarmiit Qaqortumut nuunneqarnissaanut sanilliullugu sumiluunniit imminut akilersinnaanngitsut.</p> <p>Taamaattumik Assartuussineq pillugu Isumalioqatigiissitaq naliliivoq, Narsarsuarmi mittarfiup Narsaq aqqusaarlugu Qaqortumut aqqusinniorissaq piivusorsiunngitsoq. Tamanna aqqutissatut periarfissanut misissuiffigineqartunut pingasuuusunut tamanut atuuppoq.</p>
Nanortal-immi mittarfik nalinginnaasooq (taanna kisiat isigalugu)	<p>Suliassami Nanortalimmi mittarfimmik nalingin-naasumik sananissaq pineqarpoq. Mittarfil-iornermi Nanortallip aamma Qaqortup akornanni qulimiguulik atorlugu sullissineq timmisartoq minneq atorlugu sullisinermik taarserneqarsin-naalissaq. Nanortalimmi mittarfilornerup imminut akilersinnaassusiata misisornerani mittarfiup Narsarsuarmiit Qaqortumut nuunneqarsinnaanissaq tunngavigineqarpoq.</p>	<p>Assartuussineq pillugu Isumalioqatigiissitaq naliliivoq, Nanortalimmi mittarfiliornissaq kisiat isigalugu tunngavigineqarnissaq imminut akilersinnaanngitsoq. Qulimiguulimmik angallassinermut sipaagaqarnermi iluaqtisat aningaaasaliinissamut aningaaasartutis-sanut illuatungiliutissallugit naammangnillat. Malugalugu, Nanortalimmi mittarfimmik sananissaq Nanortalimmiit Qaqortoq aamma Paamiut aqquaarlugit Nuummut angallavim-mut (tak. Nanortalimmi aamma Paamiuni mittarfiiq nalinginnaasut) annertunerusumik atatinneqarnerani inerniliinerit inassuteqaatillu assigiiinngimmata.</p>

Suliassaq	Nassuaat	Inassuteqaat	
Sineriak siner-lugu imaatigut angallassineq	Assartuussineq pillugu Isumalioqatigiissitap pilersinnejnarerata kingorna, Naalakkersuisut Isumalioqatigiissitaq qinnuigaat, sineriak sinerlugu ilaasunik imaatigut angallassineq Arctic Umiak Line-mit (AUL) isumagineqartoq immikkut ittumik misis-suiffigeqqullugu. AUL-ip aningaasaqarnikkut najum-masimanartorsiornera tamatumunnga tunngavigineqarpoq. Misissuinermi sineriak sinerlugu ilaasunik imaatigut angallassinerup matuneqarsinnaanerata kingunerisassai misis-sorneqartussaapput.	Assartuussineq pillugu Isumalioqatigiissitap misissueqqissaarnerisa takutippaat, sineriak sinerlugu ilaasunik imaatigut angallassineq unitsinneqarpat, tamatumunngalu taarsiullugu ilaasartut timmisartornissamut/qulimiguulim-mut ilaaniissamut kajumissaarneqarpata ingerlatsinermi aningaasaqarnikkut anner-tuunik sipaagaqartoqarsinnaasoq. Tassalu assartusseriaatsit marluk ingerlaannarnissaat amerlasunuk aningaasartuiteqarnerunermik kinguneqarput. Tamanna tunngavigalugu Isumalioqatigiissitaq naliliivoq, ingerlatsinermi aningaasaqarned eqqarsaatigalugu Namminersorlutik Oqartsat sineriak sinerlugu ilaasunik imaatigut angallassinermut tapersiisarnertik piaartumik unitsittariaqaraat. Assartuussineq pillugu Isumalioqatigiissitap pissutsit arallit, naatsorsuinermut ilaatinneqanngitsut (isumaginnikkut sunniutissat, kulturip oqaluttuarisaaneranu sunniutissat il.il) erseqqissaatigai, aammalu sunniutissat nalilerneqanngitsut assigiinngitsut sineriak sinerlugu imaatigut angallassinerup ingerlatiinnarneqarnerani ukiumut aningaasar-tuutaanerusartunut illuatungiliussinnaanersut naggataagut politikkikkut aalajangigassaasoq tikkuarlugu.	
Mittarfiit ujaraaqqamik qallikkat pioereersut asfaltinik qallerlugit piorsaaneq	Qaanaami, Qaarsuni, Kulusummi aamma Nerlerit Inaanni mittarfiit ullumikkut ujaraaqqanik qalligaappa-put. Suliassami mittarfiit asfaltinik qallerneqarnis-saat pineqarpoq, tas-sanilu pingaartumik timmisartut amerlanerusut annerusullu tikissi-naanissaat, immaqalu tikittartut akulikissusiisa pitsangortinnejnqarnissaat siunertarineqarpoq. Kiisalu asfaltimik qallinikkut timmisartut sarpisa ilaatigut ujaqqanik eqqorneqarta-runnaassapput.	Assartuussineq pillugu Isumalioqatigiissitaq naliliivoq, mittarfiit pioereersut asfaltimik qallerneqarnissaat suliassasoq teknikkikkut pisariusoq, akisoorujussuaq aammalu nunap qeriuuaannartup sunniuteqartarnera pissut-galugu mittarfiup naqqanik tamarmiusumik taarsiiffiusariaqartoq. Siunissami timmisartunut teknologii eqqarsaatigalugu mittarfintti ujaraaqqanik qallikkani ajornartorsiutinik immikkut ittunik atuuttusaqangilaq. Taamaammat Assartuussined pillugu Isumalioqatigiissitaq naliliivoq, mittarfiit qalliutaasa allanngortinnejnqarnissaanut annertuunik tunngavissaqartoqanngitsoq. Tamatuma saniatigut Isumalioqatigiissitap inassutigaa, mittarfintti taakkunannga arallit atorunnaarsinnejnqassasut, tak. matuma siuliani inassuteqaatit.	

Suliassaq	Nassuaat	Inassuteqaat
Kalaallit Nunaata kujataani umiarsualivik nutaaq	Suliassami Kalaallit Nunaata kujataani (Narsami, Nanortalimmi imaluunniit Qaqortumi) umiarsualivik nutaaq annerusorlu pineq- arpoq. Umiarsuit annerusut 1200 TEU-t tikillugit angissilil, RAL-ip pisiarssallugit aammalu Imarpik ikaarlugu angallannermut atussallugit kissaatigisaasa sullinneqarsinnaalernissaat siunertarineqarpoq. Umiarsualivit arlaanni pisinnaasat annertusinerisigut umiarsuarmik annertuneru sumik pisinerup kingorna umiarsuit Imarpik ikaarlugu angalasartut taakku Kalaallit Nunaata kujataani umiarsualivimmut tikissinaalissapput.	Assartuussineq pillugu Isumalioqatigiissitap Qaqortumi (imaluunniit Kalaallit Nunaata kujataani sumiiffinni allani) umiarsuarnut Imarpik ikaarlugu angalasartunut umiarsualivimmik nutaamik sananissaq inassutigisinnaangilaa. Qaqortumi umiarsualiviup allineqarneratigut iluanaaruteqartoqarsinnaagaluartoq, iluanaarutissat inuiaqtigii aningaasaqarneranni imminut akilersinnaassutsip qulakkeerneqarnissaanut naammangillat. Killavaat Alannguanni nunami aatsitassanik qaqtigortunik pilaanissaq aalajangiunneqas- sappat, tamatumunnga atatillugu umiarsualiviliortoqarnissa, immaqalu aamma Qaqortumut aqqusinniortoqarnissa ilimagineqarsinnaavoq. Tassal Qaqortumut nassiussanik pilersuinermut nalinginnaasumut, RAL-imit isumagineqartumut atatillugu umiarsualiviup taassuma atorneqarnissa perarfissaqarsinnaavoq. Taamaattumik Killavaat Alannguanni aatsitassarsiorfiliortoqasanersoq paasi- saqarfigineqarpat, Kalaallit Nunaata kujataani umiarsuarnut Imarpik ikaarlugu angalasartunut talittarfiliorsinnaanermut apeqqut qaqeqqin- neqassasoq, Assartuussineq pillugu Isumalioqatigiissitap inassutigaa.

Suliassanik pingaarnersiuineq

Pingaaruteqarluinnartutut suliassat imminnut akilersinnaassusertik, sulias- saqarfip iluani ernianut, aningaasaaliissutit inuiaqtigii aningaasaqarneranni ukiumut iluanaarutaasunut takussutissaasunut uuttorlugit pingaarnersorneqartariaqarnerat Isumalioqatigiissitap isummernermini tunngavigaa. Suliassat imminnut akilersinnaasut tamarmik ataatsikkut aallartinneqarsinnaanngillat, aammalu suliassat imminnut akilersinnaanerpaalluunniit kisimik piviusungortinnejqaraluarpa, tamanna aningaasaqarnermi pisinnaasanut annertuumik artukkiisinhaavoq, taamaallillunilu aningaasaqarnermut politikkimut annertoorsuarnik piumasaqaateqarfiusinnaalluni.

Suliassat pingaarutillit pingasut

Isumalioqatigiissitap naliliinera malillugu, Nuummi umiarsualivimmik containerersorfiusumik nutaamik sananissaq aammalu mittarfiup Narsarsuarmiit nuunneqarnissa suliassaapput ima imminnut akilersinnaalluartigisut paasisaqrifiusimatigisullu, allaat ingerlaannarluni pilersinneqarnissaat ingerlateqqinnejqarsinnaalluni. Kisiannili nunami mittarfiup qitiusup Kangerlussuarmiit Nuummut nuunneqarnissa imminut akilersinnaasoq naatsorsuinerit takutikkaluaraat, inaarutaasumik aalajangiinnginnermi silaannaap aalaruluttarneranik misissuinerit il.il. inernerisa piareernissaat utaqqineqas- sasoq Isumalioqatigiissitap inassutigaa. Taakku ukiup ataatsip iluani pia- reerneqarsinnaassapput.



Suliassat allat

Isumalioqatigiissitap inassutigaa, suliassat mittarfiup Narsarsuarmiit Qaqortumut nuunneqarsinnaaneranut atassuteqartut (Narsap aamma Qaqortup akornanni aqqusinikkut/angallat ikaartaat atorlugu attaviliineq aamma Kalaallit Nunaata kujataata iluani ilaasunik angallassineq) imminnut akilersinnaasut pilersinneqassasut, taamaallillutillu kingusinnerpaamik Qaqortumi mittarfiliasaasinnaasup nutaap atulerneranut peqatigitillugu atorneqalissasut.

Qaarsut aamma Uummannap akornanni ataqatigiissumik aqqusinikkut/angallat ikaartaat atorlugu attaviliineq ima imminut akilersinnaatigaat, allaat Isumalioqatigiissitaq isumaqarluni suliassaq piaernerpaamik naammassineq-artariaqartoq. Tamanna aamma Qaanaap Mittarfianut atuuppoq. Taanna amerikamiunut isumaqatigiissusiassap isumaqatiginninniutigineqarnerata inissinneqarnerani, taamaallunilu Pituffimmi/Thule Air Base-mi mittarfik timmisartup/qulimiguullip akornanni taarsiinissamut atorneqarsinnaalerpat erngerluni matuneqartariaqarpoq.

Isumalioqatigiissitaq isumaqarpoq, Nanortalimmi mittarfimmik nalingin-naasumik sananissaq aammalu Paamiuni mittarfiup atorneqarneranik appaanissaq, timmisartullu minnerit atorlugit sullisinissaq suliassatut imminut akilersinnaalluartoq. Taamaattumik suliassap taassuma salliutinneqarneraaffasissumut inissinneqartariaqarpoq.

Mittarfinni suliassat allat, tassalu Ilulissani mittarfiup 1199 m-inut tallineqarnissa, mittarfiup Kulusummiit Tasiilamut nuunneqarnissaa aamma mittarfiup Nerlerit Inaanniit Ittoqqortoormiinut nuunneqarnissaa tamarmik inuiaqtigii aningaasaqnerat eqqarsaatigalugu imminnut akilersinnaapput, assigiimmik iluanaarutissartaqarlutik. Kisiannili suliassat taakku suliassanut imminnut akilersinnaasunut allanut sanilliullutik suliassaqarfut iluanni imminnut akilersinnaassusiat annikinneruvoq.





Umiarsuit angallannerat

,

Inuaqatigiinni illoqarfiit nunaqarfíllu sinerissami inissisimaffigisaanni umiarsuit atorlugit angal-lassinerit annertuumik pingaaruteqarnerat pissusissamisoorpoq. Nunap immikkoortuini aam-malu najukkap iluani illoqarfiit nunaqarfíllu akornanni piffissami imaatigut angallaffiusinnaasumi umiarsuit angallannerat ilaasunik nassiussanillu angallassinermut pingaaruteqartorujussuuvoq, aammalu nunap iluanut nunallu avataanut nassiussanik assartuussinermut pingaaruteqarluni.

2010-mi illoqarfiit 16-it umiarsualiveqarput, aammalu nunaqarfiit 60-it missaaniittut talittarfeqar-put aalisariutinullu ikaartarfegarlutik. Imarpik ikaarlugu umiarsuarnut talittarfiit, aalisariutinut talittarfiit, nunaqarfínni ikaartarfíit, puttasut, pituttortarfíit, pituttortarfíit puttasut il.il. katillugit 185-it missaaniittut pigineqarput. Umiarsualiviit talittarfiillu tamarmik Namminersorlutik Oqartussanit pigineqarput ingerlanneqarlutillu, taakkunangna ikittuinnaat, soorlu Kalaallit Nunaata qeqqani Ni-aqunngunami olivinisorfimmi aamma Kalaallit Nunaata kujataani Nanortallip avannamut kangiani 40 km-inik ungasissusilimmi kuultisorfimmi Nalunami "sulianut umiarsualiviit" namminersortunit pigineqartut kisimik pinnatik.

Nunap iluani illoqarfiit tamarmik, Qaanaaq aamma Ittoqqortoormiit kisimik pinnatik, umiarsualiviv-immiq peqarput.

Nunat tamalaat akornanni umiarsuarmik nassiussanik assartuineq aamma nunap iluani umiar-suarmik assartuineq kalaallit inatsisaatigut maleruagassiorneqarput. Angallassineq pingasunut immikkoortuligaavoq, aammalu Royal Arctic Line A/S-imit (RAL) Namminersorlutik Oqartussanit pigineqartumit, imaatigut angallassinermik kisermaassiniissamut akuerineqarnissamik isumaqa-tigiissuteqartumit ingerlanneqarlungi.

Umiarsualiviit RAL-ip umiarsuaanit taliffingineqartarnermik saniatigut aamma aalisariutinit/kilisaat-init, umiarsuarnit sinersorlutik takornariartitsisartunit aamma Arctic Umiaq Line-p (AUL) umiar-suaanit taliffingineqartarput.

Inassuteqaatit allat

Assartuussineq pillugu Isumalioqatigiissitap suliassanut aalajangersimasunut tunngatillugu misissuinermi saniatigut aamma angallannermi attaveqaatinut atatillugu ajornartorsiutit akimuisut arlallit sularisimavai, inassuteqaatinillu arlalinnik saqqummiussilluni.

Mittarfeqarfít – mittarfít ingerlanneqarnerinik pitsanngorsaanissaq

Timmisartumik assartuussinerit nunami innuttaasunut aningaasaqarnermullu pingaaruteqarmata, mittarfít sapinngisamik pitsaanerpaamik ingerlanneqarnissaat pingaaruteqarpoq. Taamaattumik Isumalioqatigiissitap Mittarfeqarfít sulinerat misissuiffigaa, tassani mittarfít timmisartoqarfillu allat pitsaanerpaamik ingerlanneqarnissaat siunnerfigalugu.

Isumalioqatigiissitaq isumaqarpoq Mittarfeqarfít aningaasartuutaat qaffasip-pallaartut, tamatumungali peqatigitillugu nassuerutigaa tamanna angalasartut ikingaatsiarnerannik pissuteqartoq, taamaattumillu ingerlatsineq pitsaanngitsumik sunniuteqarfíginéqarluni. Tamanna pissutigalugu Isumalioqatigiissitaq isumaqarpoq, ingerlatsinermi allanik suleqateqalernissaq isumaqarluassasoq. Minnerunngitsumik immikkut ittumik suliassat, soorlu: ilaasunik, nassatanik nassiussanillu passussinerit, aputajaanerit il.il. allanik suleqateqarluni iluaquatasumik suliarineqarsinnaasut. Suliassat annertuumik immikkut ilisimasaqarnissamik pisariaqartitsiviusut (soorlu AFIS-operatør, Qatserisartuni Annaassiniartarnernilu suliniuteqarnermut aqtsisut) Mittarfeqarfínnit isumagineqaannartariaqarput.

Mittarfeqarfít RAL suleqatigalugu ingerlatsinermi suliassat nalinginnaasut ataatsimut ingerlanneqarnissaannik suliniummik misiligutaasumik aallartitse-reerput. Suliffeqarfít marluk taakku 1. jan. 2011 aallarnerfigalugu Paamiuni terminalimi sulisunik ataatsimut umiarsualivimmi mittarfímmilu atuillutik misilippaat.

Ataatsimut ingerlatsinissamut periarfíssat tulleriaarlugit misissuiffigineqassasut Assartuussineq pillugu Isumalioqatigiissitaq inassuteqarpoq. Assersuutigalugu suliassaqarfínni suni kommunimi qatserisartoqarfít, aqqusinilerisut il.il. suleqatigalugit isumagineqarsinnaanersut misissuiffigineqartariaqarpoq, sulias-saqarfínni taakkunani ataatsimut ingerlatsinissaq naleqqussinnaammat.

Aamma Assartuussineq pillugu Isumalioqatigiissitaq inassuteqarpoq, timmisartoqarfínni ingerlatsinermi aningaasartuutit appartinnejarnissaat siunertaralugu suleqatigiissitamik ataatsimoortumik, Mittarfeqarfínnit, Namminersorlutik Oqartussanit kommuninillu peqataaffigineqartumik pilersitsisoqassasoq. Tamatuma saniatigut Mittarfeqarfínni aningaasaliinissamut aamma/imaluunniit pilersitsinissamut kinguaattoorutit qanoq iliorluni isumagineqarsinnaanersut, aammalu kinguaattoorutit nutaat pilersinneqannginnisaat pinngitsoorneqarsinnaanersoq paasineqartariaqarpoq.



Aaqqissuussaaneq suliassanillu agguaaneq

Assartuussineq pillugu Isumalioqatigiissitap umiarsualivinnut, mittarfinnut kiffartuunneqarnissamillu isumaqatigiissutinut atatillugu Namminersorlutik Oqartussat kommunillu akornanni suliassanik agguaanerit misissuiffigai.

Umiarsualiviit

Assartuussineq pillugu Isumalioqatigiissitaq isumaqarpoq, suliassanik kommuninut suliakkiinissap isumaliutigineqarnissa tulluassasoq. Assartuussineq pillugu Isumalioqatigiissitap suliassaq, suliassamut tassunga sinaakkusiusat iluanni naammassisinnaasimangilaa, kisiannili Isumalioqatigiissitamit tikkuarneqarpoq, tamatuma annertunerusumik misissuiffigineqarnissa pisari-aqartoq. Assartuussineq pillugu Isumalioqatigiissitap aalajangersimalluinnarumik inassutigaa, suleqatigiissitamik suleqataasunit ilaasortaaffigineqartumik, suliassaqarfimmik immikkut misissuisussamik aammalu aalajangersimasunik inassuteqaateqartussamik pilersitsisoqassasoq.

Umiarsualivinni suliassat kommuninut suliakkiissutigineqassappata, kommu-nit aalajangererisa nuna tamakkerlugu isigalugu ilaatinneqarnissaasa qulak-keerneqarnissa pingaaruteqarpoq.

Assartuussineq pillugu Isumalioqatigiissitaq erseqqissaavoq, mittarfimmut silaannakkullu angallassinermut atatillugu isumannaallisaanissaq pingaarute-qartoq. Mittarfit qanorluunniit aqqissuunneqaraluarcpata isumannaal-lisaanermut piumasaqaatit akilerneqassapput. Tamatuma peqatigisaanik Assartuussineq pillugu Isumalioqatigiissitaq isumaqarpoq, timmisartuni

isumannaallisaanikkut suliassanik Mittarfeqarfut Angallannermut Aqutsisoqarfik suleqatigalugu isumaginninnerat ingerlaannartariaqartoq.

Kisiannili Isumalioqatigiissitaq isumaqarpoq, ingerlatsinermi suliassat nalinginnaasut pisariitsullu arlallit allanik suleqateqarluni pitsaanerusumik ingerlanneqarsinnaassasut. Aaqqissusseqqinnermut Isumalioqatigiissitat¹ Mittarfeqarfut ingerlanneqarnerisa aammalu mittarfeqarfut ingerlaavartumik aserfallatsaaliorneqarnerisa kommuninut nuunneqarnissaanik inassuteqarnaera Isumalioqatigiissitat tikkuarpa. Umiarsualiviit aputaaajaanikkut ikuallattoornissamullu upalungaarsimanikkut ataatsimut ingerlanneqarneranni pisariillisaanikkut iluanaaruteqartoqarsinnaasoq tamatumani tunngavilersutigineqarpoq. Angallannermut Aqutsisoqarfik oqartussaasutut suleqatigalugu mittarfinnik nakkutilliineq Mittarfeqarfut suliassatut pingaarnertut ingerlatiinnassavaat.

Assartuussineq pillugu Isumalioqatigiissitat naliliinera malillugu ataatsimut isiginninnissaq silaannakkut angallassinermut pingaaruteqartussaavoq, taamaattumillu kommuninut suliakkiinissamut, namminersortunngorsaanisamut assigisaannullu aalajangernissat eqqarsaatilluagaasariaqarput.

Kiffartuunneqarnissamik isumaqatigiissutit

Namminersorlutik Oqartussat ullumikkut inunnik angallassinermut taamattullu nassiissanik angallassinermut kiffartuunneqarnissamik isumaqatigiissutit isumaqatiginniutigisarpaat. Siunissami kiffartuunneqarnissamik isumaqatigiissutaasartussat isumaqatiginniutigineqartarnerinut akisussaaffiup kommuninut tunniunneqarnissaa, Aaqqissusseqqinnermut Isumalioqatigiissitat siusinnerusukkut inassuteqaatigisimavaa.



¹ Aaqqissusseqqinnermut Ataatsimiitaliap isumaliutisiissutaani. Pisortani sulias-saqarfinni aaqqissusseqqineq pillugu isumaliutisiissut 2005-imeersoq

Assartuussineq pillugu Isumalioqatigiissitap isumaqtiginninniartarnerit kommuninut suliakkiissutigineqarsinnaerinut periarfissat misissuiffigai, kisiannili sulinissamut imminut sinaakkusiunneqartut iluanni isumaqtiginniniartarnerup suliakkiissutigineqarnerani pitsaaqtissat ajoqtissallu naamaginartumik misissuiffigisinaasimanagit. Taamaattumik Isumalioqatigiissitaq inassuteqarpoq, suleqatigiissitamik suliakkiinerup iluaqtissartaannik ajoqtissartaannillu misissuisussamik pilersitsisoqassasoq. Isumalioqatigiissitamit erseqqissaatigineqarpoq, suleqatigiissitaq taanna aamma umiarsualivinut mittarfinnullu atatillugu suliassat kommunit aamma Namminersorlutik Oqartussat akornanni agguarneqarnissaannik misissuissappat pissusissamisuussasoq.

Unammilleqatigiinnermi ajornartorsiutit

Assartuussinermi kisermaassinerit taamaattussaannaat amerlasuut atuunnerat ilisarnaatigineqarpoq, tamatumalu nassatarisaanik neqerooruteqartoq ataasi-innaappat inuiqaqtigiit aningasaqarnerat eqqarsaatigalugu tamanna imminut akilersinnaavoq. Tamanna nunarujussuarmi Kalaallit Nunaattut ittumi, ikittuinnarnik siammasissumi najugaqartunik innuttaqartumi annertuumik atuuppoq. Assartuussineq pillugu Isumalioqatigiissitap assartuussinerup iluani unammilleqatigiinnermi ajornartorsiutit misissorsimavai, taakkununnga Royal Arctic Line-mut akuersissut ilaatisimallugu.

Unammilleqatigiinnermi suliffeqarfit suliassanik pitsasumik isumaginninnisartik kajungerisarpaat. Kisermaassineri tamanna tamatigut atorneqarneq ajorpoq, aammalu kisermaassisup namminersortup allat pillutigalugit aningasaqarnikkut iluanaaruteqarnissamut kisermaassiniini atornerlussinnaavaa. Assartuussineq pillugu Isumalioqatigiissitap aaqqissuussaaneq pillugu eqqarasetersuuteqarnermini tamakku ilaatiippai.



Isumalioqatigiissitaq isumaqarpoq, Sullaluup aqqutigineqarsinnaalernissaa piviusunngortinnagu sullisisut arlallit Imarpik ikaarlugu usinik assartuussinerlik isumagisaqalernissaat inuiaqatigiit aningaasaqarneranni imminut akilersinnaassanngitsoq takorluussallugu piviusorpalaassasoq. Tamatuma peqatigisaanik Isumalioqatigiissitap erseqqissaatigaa, pilersuinerup isuman-naassusaa eqqarsaatigalugu umiarsuarnik usinik assartuussineq nunamut pingaaruteqartoq. Taamaattumik Assartuussineq pillugu Isumalioqatigiissitaq isumaqarpoq, Namminersorlutik Oqartussat RAL-imut akuersissuteqarnermut isumaqatigiissutaata annertuumik allannguiteqartinneqarnissaa tunngavis-saqanngitsoq.

Kisiannili Isumalioqatigiissitamit oqaatigineqarpoq, tamanna Royal Arctic Line-p ullumikkut usinik angallassinermi kisermaassineranut akuersissutip iluarsisariaqarneranik erseqqissarneqartariaqarneranillu mattussinngitsoq. Assartuussineq pillugu Isumalioqatigiissitap erseqqissaatigaa, illoqarfinnut qanittumi aatsitassarsiorfinnik ammaanermi inuiaqatigiit aningaasaqarnerannut nalequnnerpaanik tunngaveqarluni immikkut akuersissuteqarnissaq pisariaqartinneqalersinnaasoq.

Isumalioqatigiissitap isumaa malillugu Narsarsuarmi Kangerlussuarmilu mittarfiit maannakkut atorneqartut Qaqortumi Nuummilu mittarfinnik taarserneqartuuppata, sullisisut akornanni unammilleqatigiinnerup annertunerusup anguneqarnissaanut silaannakkut angallassineq atorneqarsinnaasoq aammalu tamanna inuiaqatigiit aningaasaqarnerannut iluaqtaasinnaasoq. Tamatuma saniatigut Isumalioqatigiissitap misissuinermini paasivaa, Kangerlussuaq nunami mittarfittut qitiusutut taamaatinneqarluni Nuummut nuun-neqartuuppat, Air Greenlandip saniatigut sullisisut allat aallartinnissaminnut periarfissaat pitsaanerulissasut. Kiisalu Isumalioqatigiissitap misissuinermini paasivaa, nunami akunniffissamik qitiusumik ataasiinnarmik peqarnissaa pingaaruteqartorujussusoq. Isumalioqatigiissitap naliliinera malillugu nunami mittarfiup qitiusup Nuummut nuunneqarneratigut iluaqtissat pigi-narneqarneqarsinnaapput, naak sullisisut arlallit mittarfimmut tassunga sullissigaluartut.

Aningaasalersuinikkut piginnittoqarnikkullu unammiligassat

Assartuussinermut attaveqaatit sanaartorneqarnerinut aningaasaliissutisanik aningaasalersuineq nalinginnaasumik pisortanit isumagineqartarpoq. Ukiuni kingullerni nunani amerlasuuni namminersortut aningaasaliisarnerat aningaasalersuisarnerallu qinigassatut allatut annertuumik aallunneqarsimavoq eqqaaneqatarsimallunilu. Assartuussineq pillugu Isumalioqatigiissitaq isumaqarpoq, suliassanut aningaasalersuisarnermi namminersortut aningaasalersuisarnerat assartuussinermut aningaasaliissutinut aalajangersimasunut arlalinnut atussallugu soqutiginaateqarsinnaasoq. Siullermilli suliassamik aalajangersimasumik piareertoqartillugu niuerfimmi ujarlertarnissaq pissusis-samisuussaaq. Aalajangersimasunik suliassaqlernermeri suliassamut namminer-



sortut aningaasalersuinissaat qanoq ilusilerneqassanersoq sulissutigineqarpat naleqqunnerpaassaaq, taamatullu pisoqartillugu BOT (Build, Operate and Transfer) aamma OPP (pisortat namminersortullu suleqatigiiffi) ilaatinneqartassapput.

Assartuussineq pillugu Isumalioqatigiissitaq isumaqarpoq, Kalaallit Nu-naanni Namminersorlutik Oqartussat akiitsornissamut piginnaaneqarluartut. Taamaattumik naliliivoq, soorlu illuatungaani naalagaaffiup pappiaraataasa nalillit, illuatungaanilu aningaasanik taarsigassarsitsisarfitt pappiaraataasa nalillit aammalu suliffeqarfitt pappiaraataasa nalillit erniaasa akunnerminni assigiinngissuteqarnerat naapertorlugu pisortat namminersortunit erniakinnerusunik taarsigassarsitsisinnaasut. Tamatuma saniatigut an-naasaqaataasinnaasut aamma naliliinermut ilangunneqassapput. Suliassat aningaasaliiffiusussat pillugit paassisutissat/ilisimasat naligiinngitsumik ag-guarneqarsimasisinnaapput, tassalu assersuutigalugu pisortat uuliasiornermut, aatsitassarsiornermut aluminiliornermullu, ulorianartorsiorfiusinnaasullu taakkununnga atasut pillugit ilisimasaat nunat tamat akornanni ingerlatseqatiiffit suliassaqarfinnut immikkut ilisimasaqarnertik tunngavigalugu ilisima-sannit annikinnerusinnaapput.

Kisiannili Assartuussineq pillugu Isumalioqatigiissitaq isumaqarpoq, suliassat Isumalioqatigiissitap sammisimasai immikkorluinnaq ittuummata, akiitsoqarnissamut piginnaaneqannginnermi imaluunniit pissutsit immikkut itsillugit aatsaat namminersortut aningaasaliisinnaanissaat eqqarsaatigineqarsinnaasoq.

Timmisartuni teknologiip ineriertornera

Assartuussineq pillugu Isumalioqatigiissitaq inerniliivoq, timmisartuni teknologiimik ineriertortitsinerup Kalaallit Nunaanni angallavinni mittarfinnulu angallanneq sunniuteqarfingisinnaagai. Ataatsimut isigalugu ineriertornerup nassatarisaanik timmisartut annerusumik pisinnaasallit (amerlanerusunik issiavillit) pisariaqartinneqarnerat annertusiartorpoq.

Timmisartut ineriertornerannik, aammalu sullissinernut pilersaarutit nutaat eqqarsaatigalugit timmisartut pioreersut ingerlanerannik missiliuinerit tunngavigalugit, Isumalioqatigiissitaq naliliivoq, timmisartut pioreersut siunis-sami ukiuni arlalinni atorneqarsinnaassasut.

Dash 7-it atorunnaarsinneqassapput

Timmisartut Dash 7-it, ullumikkut mittarfinnut arlalinnut sullissinermut atorneqartut pilertungaatsiartumik atorunnaerneqartussaapput, tunisassiortoq timmisartunik taamaattunik tunisassiorunnaarsimammat sullisisarunnaarsimallunilu. Air Greenland Assartuussineq pillugu Isumalioqatigiissitamut ilisimatitsivoq, Dash 7-it atorunnaarnissaannut Dash 8-nillu taarsersorneqar-nissaannut pilersaaruteqarlutik.

Tamanna nunap iluani piffissap ingerlanerani mittarfinnut, mittarfittut naatsu-tut sananeqarsimasunut pingaaruteqartussaavoq, ilaatigut Dash 8-t annertu-umik killilersorneqaratik sulisinnaassappata mittarfiit tannerusut pisariaqr-tinneqarmata.

Ullumikkut mittarfiit 799 m-inik takissusillit ukunaniippuit: Sisimiut, Aasiaat, Upernivik, Maniitsoq aamma Paamiut. Taakku saniatigut Nuummi Ilulis-sanilu mittarfiit 950 m-imik aamma 845 m-imik takissuseqarput, kiisalu Qaanaami Qaarsunilu mittarfiit ujaraaqqanik qallikkat 900 m-inik takissuse-qarlutik. Ullumikkut mittarfiit pingaartumik timmisartut Dash 7-it atorlugit





sullinneqarput (Nuuk minillugu). Taartissat Dash 8-t mittarfinnik tannerusunik pisariaqartitsipput, taamaattumillu mittarfuit matuma siuliani taaneqartut tallineqarnissaannik, taamaallilunilu timmisartut Dash 8-100/200-t assigisaalluunniit taakkuninnga atuisinnaalernissaannik Assartuussineq pillugu Is-umalioqatigiissitaq inassuteqarpoq. Alliliinerit Dash 7-it atorunnaarsinnejarterat malillugu pisariaqassaaq, aammalu alliliinerit tulleriaarneqarnerini sapinngisamik mittarfuit ilaasut amerlassusiinut uutorlugu angissusaat malilugit ingerlanneqartariaqarlutik.

Imaassinjaavoq alliliinerni sanaartugassat allat tulleriaarneqarnerat tunuartineqarsinnaasoq.

Mittarfut 1050 m-inut imaluunniit 1199 m-inut tallineqarnissaat isumaliutigineqartariaqartoq Isumalioqatigiissitaq isumaqarpoq. 1050-inut talliliinissaq Dash 8-t sila qanorluunniit ikkaluarpat nunap immikkoortuini timmisartuussinermi pitsaasumik sulisinnaanissaannut naammassaaq, kiisalu mittarfik 1199 meterinik takissusilik timmisartunut sukkasulianut minnernut ajornartoornissamut killissamiilluni. Tamatuma saniatigut timmisartut sarpillit annerit mittarfinnik 1199 m-inik atuisinnaassapput. Isumalioqatigiissitap isumaliutisiissummini ataatsimut isigalugu inassutigaa, tulleriaarinissaq talliliinerillu takissusissaat pillugit timmisartuussisartut oqaloqatigineqassasut.

S61-it atorunnaarsinneqassapput

Qulimiguullit S61-it, ullumikkut Kalaallit Nunaata kujataani inunnik as-sartuussinermut atorneqartut nunarsuarmi sumiiffinni arlalinni, ilaatigullu Danmarkimi pisut malillugit pilertungaatsiartumik atorunnaarsinneqarnissaat naatsorsuutigineqarpoq. Air Greenland ilisimatitsivoq, S61-it kingusinner-paamik 2012-imi atorneqarunnaarnissaat siunnerfigineqartoq.

S61-imut taartissatut qulimiguulik Bell, maannakkut Air Greenlandip pigisaa, affaasa missaannik ikinnerusunik issiavissalik ilimanarnerpaavoq. Assartuuss-ineq pillugu Isumalioqatigiissitaq naliliivoq, inummut ataatsimut kilometeri-mut aningaasartuutit qulimiguulinni Bell-ini S61-inut sanilliullugu qaffasin-nerulaartoq. Kisiannili qulimiguullit minnerit pisinnaasaat piumasaqarnermut naleqqussaruminarnerujussuupput. Taamaattumik ataatsimut isigalugu Isumalioqatigiissitaq naliliivoq, taarsiinissaq qulimiguullit atorlugit angallass-inermut aningaasartuutinut tamarmiusunut allannguingaatsiartussaanngitsoq.

Kiffartuussinerit sullissinerillu allat

Assartuussinermi kiffartuussinerit sullissinerillu arlallit, ulluinnarni ilaasunik nassiussanillu assartuussinermut toqqaannartumik atassuteqarneq ajorput, kisiannili inuiaqatigiinni atuuffinnut pingaaruteqarlutik. Tassani pineqartut tassaapput SAR-imut upalungaarsimaneq² aammalu kiffartuussinerit allat, soorlu peqqinnissaqarfimmut, teknikkimut atortunik misissuinermut il.il. tunngassuteqartut. Tamatuma saniatigut sullissinerit Sikunik Alapernaar-suifimmit isumagineqartut suliarineqartarpuk.

Assartuussineq pillugu Isumalioqatigiissitaq naliliivoq, ilaasunik angallassiner-mut allannguuutit, isumaliutissiissummi naliliiffigineqartut taamaallaat sullis-sinernut killilimmik sunniuteqartussaasut. Taamaattorli suliassat ataasiakkaat SAR-imut upalungaarsimanermut sunniuteqartumik distriktinut qulimigu-ulinnik inissiinissamut pisariaqartitsinermik allannguisussaapput. Assersu-utigalugu mittarfiup Nerlerit Inaanniit Ittoqqortoormiinut nuunneqarnerani sumiiffimmi qulimiguulimmik pisariaqartitsineq atorunnaartussaavoq. Qulim-iguulimmik distriktimi sueruppat, aamma ujarlerluni sulianut qulimiguulim-mik ikiortissamik aggersaasinnaaneq ajornarsissaaq.

Mittarfik Narsarsuarmiit Qaqortumut nuunneqarpat, Sikunik Alapernaar-suifimmi Qaqortumi mittarfimmut nutaamut nuunneqarnissaa pissusissamisu-ssasoq Isumalioqatigiissitaq isumaqarpoq.

Akinut Akiliisarnermullu Malittarisassat 2010-mi maajimeersut

Assartuussineq pillugu Isumalioqatigiissitaq pilersinneqarnermi kingorna Naalakkersuisunit qinnuigineqarpoq, Akinut Akiliisarnermullu Malittarisassa-ni 2010-mi maajimeersuni akinik qaffaanerup sunniutissaanik nalileeqluq.

² SAR Search And Rescue-p-naalisaatigaa.

Assartuussineq pillugu Isumalioqatigiissitaq isumaqarpoq, minnerunngitsumik takornariaqarnermik inuussutissarsiuteqarneq ataatsimut eqqarsaatigalugu mittarfiit sapinngisamik pitsaanerpaamik ingerlanneqarnissaat pingaaruteqartoq. Taamaattumik Isumalioqatigiissitap tunngaviusumik ingerlatsinermut piu-masaqaatinut aammalu Mittarfiit pitsanngorsarneqarnissaannut periarfissanut atatillugu innersuussutigineqartut inassutigai.

Isumalioqatigiissitaq isumaqarpoq, Mittarfeqarfinni akit qaffasinnerulerneisa kingunerisaanik bilitsit akinut qaffaatissatut naatsorsuutigineqartut imminerminni takornarianik ikilisitsissasut. Akinut qaffaatissat saniatigut ukiumut 15 mio. koruuninik pissarsiffingeqarnissaat naatsorsuutigineqarpoq.

Isumalioqatigiissitaq naliliivoq, takornarianut bilitsinut qaffaatissaq agguaqatigiissillugu 1½ %-imik annertussuseqassasoq, tamatumalu kingunerisaanik ukiumut avataaniit takornariartartut 500-eropianik ikinnerulissapput. Tamautuma saniatigut aamma nunap iluani takornariartartut ikilissapput. Naliliineq malillugu tamanna inuiaqatigiit kalaallit isertitaasa ukiumut katillugit 1,8 mio. koruunit missaannik ikilinerink kinguneqassaaq. Kisitsisinulli avataaniit takornariartartut ikilineranni timmisartuutileqatigiiffit isertitaasa appaatissaat ilaatinneqanngillat.





Quppersakkap tunua

Assartuussineq pillugu lsumalioqatigiissitap inerniliineri inassuteqaatalu Assartuussineq nunatta aningaasaqarnerani annertuumik ilaavoq, taamaat-tumillu isumalluutit sapinngisamik pitsaanerpaamik atorneqarnissaat pingaaruteqarpoq. Kalaallit Nunaata siunissamut ungasissumut aningaasaqarnikkut namminiilernissamut anguniakkani angussappagit, sulifeqarneq aamma tunisassiorneq/isertitaqarsinnaaneq annertusiniarlugit sinaakkutissanik pitsaanerusunik pilersitsisoqartariaqarpoq.

Assartuussinermut aningaasaliissuteqartarneq eqqarsaatigalugu Assartuussineq pillugu lsumalioqatigiissitaq isumaqarpoq, aningaasaliissutit inuiaqatigiit aningaasaqarneranni akilersinnaanissaat tunngavissatut pingaaruteqartoq.

Inuiaqatigiit aningaasaqarnerannik naliliinerit tunngavigalugit Assartuussineq pillugu lsumalioqatigiissitaq isumaliutissiissummini inassuteqaatinik aalajangersimasunik arlalinnik saqqummiussaqarpoq. Assartuussineq pillugu lsumalioqatigiissitap suliniutit, siunissaq ungasiskoq eqqarsaatigalugu assartuussinerup pitsaanerulernissaanut iluaqutaasinnaasut, taamaalillunilu aningaasaqarnikkut pimoorussiffiusumik anguniagaqarnermut iluaqutaasinnaasut arlallit tikkuarpai.

Inassuteqaatit pingaarutillit ilaat Nuummi umiarsualivimmik nutaamik sananissamut, Kalaallit Nunaata kujataani mittarfiup Narsarsuarmiit Qaqortumut nuunneqarnissaanut, Imarpik qulaallugu timmisartunut mittarfiup qitiusup Kangerlussuarmiit Nuummut nuunneqarnissaanut, sineriak sinerlugu imaatigut angallassinerup matuneqarnissaanut, Sisimiuni umiarsualiviup allineqarnerani iluanaarutissat naliliiffiginiarlugit suleqatigiissitaliornissamut, Ilulissani mittarfiup tallineqarnissaanut aamma timmisartuni teknologiumik ineriertortitsineq pissutigalugu mittarfiit pioreersut tallineqarnissaannut tunngasuupput.

